

1234

灌園集



滕錄監生 臣 嵇承羣

滕錄監生 臣 吳壽康

欽定四庫全書

灌園集卷三

宋 呂南公 撰

五言古詩

煙雨

朝來煙雨重，天與平田接。
輕風更蕭蕭，清快繞我曉。
開扉覓高嶺，沒若隔世劫。
不見蒼翠顏，徘徊坐堵頰。
農夫一何樂，羣輩聚稠疊。
移秧塞塍圈，狼籍衣不攝。
誼闈交野語，蹲踞就晨饁。
臺笠映扉蓬，端能勝經笈。
人生慕溫

飽萬趣歸一愜何必少髭頰區區羨長鬣吾村有荒圃
吾屋葺未輟早晚畫度全方將事農業耕耘黨既入歌
笑聲可躡雖欲著新書無妨理鋤鋪

傍湖行觀

十日不出門厭聞水車聲昨來新雨足耳外忽晏清步
屨踏初霽舒徐繞塍行向時荼蓼處荒穢畧矜平青秧
漸瀰漫黑手益縱橫固知農趨時豈特勸督明下士能
致力高天得無情願言成歲豐庶免寇盜驚

覆船山

高數十仞廣十餘里形如覆船後映會仙諸
峯秀色排空葱蒼倚壘遠當縣治之前邑之
名山也

峩峩覆船山特起秀蟠勃當前百里已見青突兀行
瞻漸詳諦依約認毫忽西峯自排列儼若魁健卒羣阜
復東迴欽如搢珪笏橫岡挺戈劍堅重不可杌峻嶺擾
騶驪豪雄欲相揆或寬侔放蕩或迫類齷齪或象喜紆

餘或同怒詬吐林高盛巾幘奮破露鬢禿有險狀飢癯
有盆似壯臆偉哉形態衆盡叙難以猝憶隨遊覽後深
入禪宅窟樵徑坦復崎遙村現還沒是時五月晦寒氣
尚切骨汲泉煮茶雲石鼎沸鬻雪夜垂紙帳卧疑近鬼
憲牽曉引杖屨行崑巒徧緣蹊幽坡獸跳踔佳樹烏咽
嗚飛瀑下層崖鏗清斷污渥分流浹田壤千里利耕耨
愛此爽洒都擬詠屢蹇訥何由結廬舍靜取蔬茹粹夢
想空洞靈孤雲動颺颺

奉和內翰太中城南放魚

沾沾水中魚生死豈有知
成形四氣中積漸長鱗鬣
但喜藻可依未諳龍可隨
茫茫天地間寄命此郡西
歲有竭澤例肯縱捨者誰
秋潦走海去荒壕已愁飢
方將赴烹芼逃避計若為
萬里雷雨解一時離兌睽
夫何遇仁賢顧眄成嗟嘻
載憫口腹累鮮能毫髮遺
支川以三千此獨數畝池
脫爾倉猝急吾其亡肉糜
呼舟送中流狡吏敢挾私
曾是潰爛勢忽稱太平時
波瀾網罟多要在

慎所之香餌不足愛古言未應非丙寅元祐年內相守
楚夷愷悌見篇詠魚乎爾恩斯

偶遊僊都道先以長句見寄依韻奉答

吹燈染小帖借馬忤旆人豈其事朝叅強欲觀雲泉盥
擲具袍帶超遙石橋間同征二十蹄駑駿亂後先朝曦
遽突兀送我溢背溫樂郊民何知桃李自滿園逶迤松
下路不踐已八年道翁喜吾來煮茗巨石根導我復勉
我攀躋繞巔坳依依夢中遊忽得驚覺魂一聽鐘鼓響

載慚塵土昏顧茲清泚流照洗憔悴顏
瞠瞠金碧光嘈嘈杉檜喧樓臺有新增
碑版多舊觀嘯客徧廂闥周爰訊黃冠
白頭師靈仙不免歸丘墳太息五濁士
憑癡待飛翻譬持數寸膠擬救九曲渾
往者不肯說來乎付誰怨唯當悟至真
可入了世論崔嵬黃守庵本是劉伶禪
憶我初借卧嗒焉過西曛踏黑叩歸戶
倉忙遭罵言寧知復來時邂逅乃見尊
中從鮑允至三歲四五番題詩不知我
命酌戒醒還丹霞所未識西望久目存
畏雨我

獨止于今負長嘆鮑去死令長無人辨龍岬我窮羞白
襪引分逃山樊俛仰十五載恍如畢晨餐方為此日游
忽計後戚懼何以遣孤憤隨鞍有殘樽焚魚濯菟甌浩
蕩臨前軒適舉共悄嘿屢觴漸紛紜步兵俄鼎來四座
驚欲奔授我大紙卷捧承疑未安披張縱眼力審是陳
侯篇上序天質壞借余盡情文下傷素交稀慶快未契
敦憂我困跋履且令慎盤飧平生慣衆憎讀罷腸輪困
引筆欲作報停杯類含酸人間有義好斬嚮異轍轅權

勢之所在萬夫呈肺肝風雲苟不至親戚爭棄捐此謬
匪朝夕期誰反狂瀾餘齡既蹉跎乃得逸駕攀感槩捨
酒去衝煙下耕村黎明候鈴齋再拜以謝聞

蔡翁

蔡翁高古士終始素踐清曉然不欺心可抵日月明二
十弄賦筆周流教諸生四十背辭場歸來閉柴荆長子
力近利旨甘足謀營次男治詩書庭戶弦歌聲居止在
城邑身如隱林垆舊交勢富門十載不一登稼穡有凶

稔翁無田可耕閭閻多是非翁耳不為傾蕭條一畝宅
裕若據八紘書囊配酒樽此外毫髮輕晚醉有癭枕朝
飢有藜羹未知窮與通何者當達情維彼九章袞煖外
未覺榮維彼八味珍飽來無足矜妻子亦垂白息孫初
習行謹愉同百年世患安得櫻嗟我稍濩落晚能慕幽
貞何由似吾翁坦坦寄餘齡

早穫

溫風扇炎節高壤見新稻蒼黃色猶雜鎌擔力已到時

當艱食久不暇論贏耗奔奔竭頃畝翕翕資釜竈蒸炊
防碎折焙煬取乾燥鄉隣自齊同早暮誰諷告老翁操
七筋一食九嗟懊豈凶存後憂飽飫偶今暴驕陽有炕
曠積雨或淹滂未是安眠人兒童但嬉譟

窮鬼

窮鬼斷去志送之豈無文譬如衢路埃屢歸已復新隨
我三十載間關不辭勤誘我上債臺為我擁愁根羈旅
風雨夕空廬冰雪晨贊成蹇拙謀謹守冷靜門遇酒或

畧避見錢輒生嗔亦憎富貴兒永矢不失身昨者試羣
士聞亡忽連旬謂其捨我行忍不許我聞乃復跳籬棘
譎張幻司閤吹沙衆官眼使視玉為珉詭計動有效更
誰評正真歸來只康然知我恥奏論憶昔熙寧初與子
俱食貧相語厭此鬼多方願崩分宗伯正憤惑委其制
風雲倉黃別我足置我寂寞濱子脫白布衣鬼顏愁不
欣自子有官守辭鄉八青春坐想廩俸優寧復鬼敢親
今者枉書札無財亦云云信哉此鬼多不限吳楚閩陰

靈雖巨測要自有婚姻族黨各生子子嬪又生孫宗支
遠天下焉往不見存子行改京官途轍異凡民間房漸
珠翠盤按溢羶葷萬一鬼不喜乖離在逡巡顧我憤與
君應來合朋羣益五以為十其徒日滋蕃吾文雖極高
鬼去無沿因

讀東方朔傳

武皇肆荒惑公卿噤忠齟先生有直舌談笑開吾君董
偃不敢怨壽王誰與伸堂堂補衮心不厭犯怒頻豈不

顧仕養崇卑位泥雲耻同高論儒瑟縮憂烹焚賢人事
昏主獻替視所因不爾朝野間誰非愛其身彼哉下世
士所見異吾聞醜謬無不為乃思謗遺塵國風歌善戲
孔聖許狂人何嫌班孟堅區區記餘芬

過巫師步

還過巫師步竚立想平昔不見舊門閤蒼蒼但榛棘當
時修竹圃十里認濃碧佳樹鬱瓏璫高能百餘尺連甍
覆多瓦厚塹壘堅甃生計具安恬隣人總驩適非無四

時樂乃預五等籍不知九載間剗滅自誰力或尤近川
水川水豈其蹙隄岸盡民廬何斯最崩析有疑泐鬼道
浮誕致淫慝僻術固欺人窮袂盖傷德不然當合會大
數名終極幽玄竟難量理意浪參測憶初羈角歲文字
未深識此地事遨嬉隨羣慣經歷波瀾澆暑汗略約騁
霜屐逗曉集圍魚連宵按傳覘走聽鐃鼓動就視符籙
敕座軋歌神兒盤分受釐食中家餽牲果豪屋送金帛
弟子爭聚箴巫師坐欣懌顧余方眇弱比衆似岐嶷撫

省更呼留慙勲賜遮搯持盃勸醇酒引筋指香腊牽袖
索吟哦嗟天賞英特期將雪侵鬢見慶雲路翼童稚喜
矜稱徘徊重依嘿豈圖專輶軻所望壹差忒荏苒至巾
冠奔馳為甌石光陰與愁度肝膽遭事役文藻漫雄渾
途程轉迤塞翦翎看遠舉蹠足羨橫擊何以副鄉評徒
能冠經席虛聲漸凌厲謗口遂壓積辭山寄他州封紙
問故國驚心存沒異刺耳榮謝亟偶爾跨歸鞍蕭然又
行客淒涼到今日憔悴對遺迹磻影冷茫茫媵泥新拍

拍春風吹駘蕩夜月照岑寂曾是禍福場翻為馬牛陌
誰能逃死喪乃獨久酸惻無處瀝餘觴空思詠漸麥人
間屢興廢世路真阻阨愜快一難逢睽違千易得布衣
甘我老耕耒非上逼飽煖即逍遙功名可拋擲雖慚巫
師語且免荷蓀責自作好詩書寧須位侯伯

過辭歸嶺

老翁愛園廬未省越隣塢婚姻挽他鄉送客犯脩阻委
蛇上高嶺四顧異吾土相揖遽辭歸驚如避豺虎漂浮

千世下出意能近古游子笑安居相傳入名譜黃塵歷
碎石歲月知何許但有鬱蒼松亭亭待斤斧秋風吹我
馬路向北山取因名重徘徊不獨行役苦

過憂劫嶺

強步已半日前岡更悠悠下如趨龍宮上若登雲樓不
見人舍宅但聞鳥喧啾我行只空囊盜劫誰知憂

五月二十五日三陂橋晚眺

漲水久已退擎泥草扶疎平疇極我目一來施犁鋤九

夏行過六尚憂復汚瀦哀咨此鄉民耕力豈躊躇地勢
苦卑薄况無古川渠愁潦懼燠乾不可保終初昨者多
暑雨洪波日凌虛新來滿旬晴滲洄類灌蕪垂秋且當
蔣到否知何如摇摇衆農心凜若畏簡書遠瞻來南山
其壤似郊墟依微綠秀間浮白略散舒間喜早稻吐因
高得紆餘幸無風早催聊濟升斗儲天下有大福唯民
樂田廬樂哉俟豐登快我羈旅居

詠榴花

敷敷英乍含春盡葉已碧垂垂實稍殘秋晚花尚折鮮
妍誰造化遲暮我彩色方託晨露滋何知早霜烈天時
豈顧望生理自溢逼根柢或未衰芳葩肯無益徐孺老
情重武后善塗澤所美出虛踈其殃乃窮極參差共冲
氣窈窕負靈識草木可毋譏吾傷在人德

俗士

俗士各何在來登蓋徒然彼其見湖山乃特論價錢為
此可徑絕陰梯阻狙獾當有詩酒豪相將快留連一醉

抵萬寶高吟對遙天下視闌闓免污埃盡癡年嗟我漢
落手平生負雲煙題詩不放縱或似摹印圈安得冰雪
才同聯座中篇

歲除感舊

舊德無路報衰年又增多平生感激心恐懼成蹉跎幽
幽黃鍾原總角便經過一飯倚從母徘徊類媿嬰學書
隨羣童謹叫抵鴈鵠相送知字畫勇於渴尋河羞耻道
趙壹矜誇有甘羅豈云幻慙慙乃取晚坎軻荏苒三十

載萬千窮崇魔舊遊不得尋聽問徒悲歌秋霜壓芳蘭
豈復異徑莎願見故根晚邈如隔岷峨老窮怯脂韋趣
尚近笠策此恨長不沒安能辨蒿莪

偶題北軒

說儒論四方以北為背明蓋言幽陰位有嚮即非亨遂
令口耳兜惡北如近刑安知壬癸交於此兆萬靈天元
氣始降坎水首五行理數漸推遷至兌乃秋成餘陰與
初陽分此朔易庭故為始終地變化容可輕不但天道

爾人為亦該并帝王宅九垓輔相羅賢英德雖若伊周
稽首為公卿如其惡北面誰以臣庶稱吾知講析師苟
以巧自矜何能亂達識止可欺愚冥吾來坐書屋軒楹
有北名題詩非賦詠聊以說儒憎

初遊投子山

東山未嘗到興言往遊觀尋幽味已淡全勝交凡官揚
鞭遂出郭樵路行縈彎遇險輒捨馬聽松頻側冠霜天
正枵寥野吹何蕭酸強步且數里猶在荒林間峯回得

古寺一叩雲中關高僧奪睡出迎對如嗔煩解榻迸伏
鼠煮茶爆新泉東亭一何高岌若崖臨淵西庵更爽亢
基與堂夔班延緣徧登坐共羨閒人間同遊二三子取
酒醺吾顏約畧釘市果橫斜列山盤飲語快不徹望賧
張無端曦光忽銜西歸思攻餘歡撩樵灑醉毫拂壁羅
矛干調笑下前坂暮色淒漫漫行矣重回首林凹數聲
援

答濟道

外物不可必一官非我心榮生在適分素願乃山林知
思已三年趣幕不覺深因君累幅書更激浩歎音衮衮
旦復暮勞勞古猶今其誰有功名不顧憂患侵富貴豈
不欲才力視所任長鯨舞天淵寸鮒安牛涔性亦各得
耳何為辨差參夫子方得路未應棄光陰咨余厭卑摧
謀望止尺尋誓買五畝宅歸休以浮沉耕漁入程途文
字亦所欽者子展雲翼騰凌和薰琴還將草堂書敵子

朱與金

答陳公美

少壯事已遠舊文良可懷百年能幾何十載不得偕念
昔居鄉里游處了無猜飲食不相捨談笑久所陪拜君
以為兄分密誰敢開齒髮俱未老未至衰與頽我子在
襁褓君猶無嬰孩君後獨捨去為吏天一涯我又厭奔
走遠引不復來歲月杳難恃區區老吾儕况從與君別
多事歲若排心力不能究衰病侵筋骸二子皆已冠如
吾苦無才君亦已有嗣眉目秀且佳人事知幾變會合

終不諧昨者本不出豪傑苦見咄鬱鬱自不樂誰為子
悲哀幡然感其說東走凌巔崖不意君在此得奉笑與
詼君顏蔚如故大噓飛塵灰我老應可怪白髭生兩頤
新句辱先贈古詩許見推賢俊非獨少故舊每所乖作
詩報嘉貺亦聊以相催

擬古

仲尼魯司寇官職亦已優從祭肉不及戴冕奔諸侯當
時不之知為肉誠可羞君子意有在衆人但愆尤置之

待後世皎皎無足憂

仲尼為羣婢一走四十年苟卿老不出五十猶力田顧
彼二夫子豈其陷狂顛出處固無定不失稱聖賢彼亦
誠自信誰能卹多言

公孫昔放逐牧羊滄海濱勉強聽鄉里垂老西遊秦自
顧未為壯徒為久辛勤君子豈必隱孔子皆旅人

竹榻

竹榻破壞久隅稜類繩橋扶身輕坐之不敢直我腰動

小響已大搯嚴勢仍搖鋪瓊蔽其顏倚以度晨宵醉卧
稍安貼如舟乍停橈愁醒輾轉多似泛八月潮欲下必
以緩將登未嘗跳奴僮為我憂疑我或悵怱訝我合改
置我心豈其遙所嗟成與虧本以材用招念此蒼翠幹
初非願枯焦唯難逃匠手遂與歲月凋物固不求舊人
貧自無聊憐強棄其衰此志亦已恍我有四壁宅塵書
映空瓢何嫌此榻存且以異貴驕

寄陳道先

寄聲西山閣知我新近否病嗽輒彌旬無錢雇醫叟夫
何稍除去乃自得醇酒美味既沾腸清甘更悅口適從
耕壟上杯醖不在手坎坎遂連傳誼如擊盆缶清秋田
舍事秫糯或稀有傾渴聖賢心囊空欲狂走思君綵衣
次與我異好醜病少官壺多何因到衰朽古人說天道
高下常更受此語儻可徵豐荒竟誰久

慈濟塔

僧說姦雄人亦發歸依願祇今慈濟塔乃自張崇建雲

空土石乾碑倒龜龍斷悠長香火事豈以非夫賤

一日復一日

一日復一日夜眠復朝興不見事物窮但覺憂患增千
慮不必免不思亦如恒未知此世間有用智與能少壯
怯鬱屈衰殘念軒騰方如夏中蟬忽若秋後蠅非譽等
毫絲善惡計合升可醉且勿道雲來譬高曾

理髮

我髮日以少我梳未嘗頻過旬一理之每理愁欠伸壯

長足癢肩奔馳更埃塵搔爬不覺勞垢結類組糾雖復
強擲沐憚如負千鈞鉤牽就平直流汗益苦辛當時結
似拳漸細傲梅榛懸知又十載幾許及變銀萬物有盛
衰吾何為喜嗔借令但兩鬢豈害有冠巾人言髮既凋
乃稍異癡民題詩且自賀漸係老成人

宿燠塘村

盡日繞岡嶺孤征凌險巖春風處處豪游子行安之過
午或未飯人煙信遐稀暮投燠塘村正見牛羊歸黯黯

亂山腹茅廬壓芭籬陽光向餘霞畏虎先掩扉繫馬就
屋尾解冠挂門眉怡聲問前程乞火照寢衣夜半雨忽
惡長雷撼坤維奴僕亦睡覺雨瀉百箭馳草草卷席避
倚牆顧晨雞故園豈無情一夢不可期我有三畝宅比
隣勇鋤犁何曾問三旌自足了四時不肯卧寂寂亦來
走栖栖幸無王事驅或是竒鬼欺吐吐復吐吐生平笑
狂癡明朝遇清溪莫洗脚上泥

西村

東村豈不佳南村自清幽北村亦可居俗悍不易投維
此兌嶺曲陂陀遠川流桑麻有清園耕稼有綠疇雲峯
十里外足舉曠望頭本無車馬喧豈有聲利愁伊我先
君子故家待增修還當起簷楹此志敢不求開闢三處
徑䟽通四前溝有軒列琴書有室貯鋤耰歷麴擬長醉
藏芻待肥牛超然了餘生不問萬戶侯我策久已決我
身強悠悠安能荷蓀翁不以意相收

鏡鑷

鏡鑷亦何功，鏗鏗漫從事。助人飾形骸，初若逞意思。須
毛何足簡，塵垢何足薙。端為兒女懷，豐覲以言貴。余家
在農畝，耘耔當傳世。朝犁泥糊糊，暮耨草翳翳。風搔日
暴炙，姿狀難斌媚。百年寄託身，顛倒皆順利。顏紅黑何
害，髮黑白亦是。誰能妄去取，屑屑論姿致。深村擬三逕，
歲月治去計。帶經以隨牛，鏡鑷成相棄。

秋色

秋色今又動，淒然悟衰殘。筠林讀書軒，一卧八九歎。少

壯非所惜塵勞苦間闕端為智慮傾得此悄悄顏筋骨
衆疾劫肺肝百憂攢還當節律遷刺促驚痛酸夜眠却
明燭曉脾拒堅餐從文未終篇腰脊益痺頑太息造物
宰勞余豈其偏寧分無窮悲直窘有限年想彼向榮木
蕭森望雲端雖無癭蠹虧久竟歸朽乾萬化有盡極一
身何足安方當委順之不必專憤煩起坐仰星斗環行
繞簷欄西風穿我懷肅若臨予干世故屬無謂悠悠諒
何言唯應就枕時曠蕩如山樊

歲寒亭

北風搔長林萬葉各窮屈愛此清秀幹高寒色如一雖
無化石驗自是後凋質

送傅亨父

相公坐東府簡拔無留才賢良得帥權志與馮趙偕以
策屈羣力勃如飛蚊來河湟多新田隴渭少驚埃壯矣
功利舉趣時各賢哉誰言夫子喙不在此日開手把經
綸書想望黃金臺相期衢道亨紙墨皆雲雷臘雪拍馬

曉朔風穿僕懷雖云行路難足免壯士哀去去合利見
少微近三台得志亦遄歸我有賀酒盃

欽定四庫全書

灌園集卷四

宋 呂南公 撰

七言古詩

和得茶雜韻

衰翁脾病怯飲茶不但嗜酒成雄夸
夜長晝短讀書苦佇待雞鳴愁日斜
秋蔬搜腸酒正惡踏爐火慢煎雙脚
偶然接得西安角險欲衝塵送高閣
沉吟却憶陳公子慣在京華看貢篚
蒙山顧渚建溪春花乳清冷偏知味

今來下國深秋景酒厚花稀心未醒
盱水中濡亦試烹
豈須奔走揚州井

延陵行

莫愛傾城名名高禍將作
莫嫁多才郎才多情義薄君
不見季倫不保綠珠命長卿
終負文君託豈如延陵庶
下賃春人無色無才貧且樂

烏翩翩行

烏翩翩魚漉漉陂湖漫漫浮窮肉
貧民疫死屍且壞冢

兒忍看熏墻屋桐棺一寸無錢置亦可
裸埋難乞地繩
攀篲載肩負
捩暮夜間關來此
棄哀號數聲
淚淋瀝歸
掩柴荆鄰寂寂
官家政令如文王
日月不為盆下光

黃茅行

黃茅颭颭天垂
冱夜宿野亭
行旅共看看
燈火問他鄉
聽說艱虞各
悲痛早年轉
貨河東北亦
熟淄青涉梁
宋
民生富裕利
源寬所至如
家忘勒鞅晚
來凶札作饑
饉
首尾七春荒
播種已知人
物俱流亡祇
有室廬齊歇
空

迴旋却走嚮淮浙併值紛紛歎飢凍積屍狼籍臭相兼
無異爛魚藏暑甕去秋關陝穀將稔踐嚼忽驚黃鼠衆
正憂飛輓負洮岷敢論倉箱稀食用昨聞王師又南伐
熊羆十萬臨諸洞荆潭五嶺皆宿兵日費千金誰運送
閩州旁助早成乏何況匹夫圖竊弄三川迢遞未得歸
懸想詎能餘賦貢獨稱江國久豐足游歷如今愁更重
早傷水剝疫癘頻何處商廛猶佚縱困京少食但蕭屑
寇盜乘虛還扇動一宵此地漫安身萬里故園難入夢

嚶嚶雞唱侵枕脚
淡淡曉光穿屋縫
去矣東西勿復言
文臣方獻昇平頌

遲晚行

少年踴躍希卿宰
遲晚徒思老江海
吾道淹衰髮漸凋
壯圖銷鑠田今買
文苑鋒鋌稍收戢
醉鄉朋舊多攜解
唯有憤世嫉邪心
自計終天不能改

嗚呼行為閩寇屢動州郡無兵而作

君不見熙寧宰相經綸苦不肯養兵累神武多時州郡

罷招軍欲責耕民為戰伍詔書一日下九天守令宣布
周鄉田十家嗟吁百家和父子握手悲殘年干戈不與
鋤耨雜此道幾迴輪厯甲未能井牧似三王何用匆匆
謀混合輿情有幸聞旒宸斂鼓收旗防怨謗爾來下國
稍自安其奈兵防已頽毀大城有兵不千百小城更少
幾許力一夫竊發數縣驚坐恐飢癯皆盜賊承平久矣
稱繁富儒生枉被高談誤同聲敷奏盡哀矜引手施行
皆耗蠹居不得寧輯財安能充裕嗚呼爭得畧如開元

姚宋之民人萬里東南開夜戶

別離

東家賣兒價何卑西家棄婦聲更悲得錢未足三日飽
既別豈有歸來時山如高城路如線迴首難言淚盈面
螻蟻溝渠處處同短長不復能相見

死別離未如生別苦綢繆恩意無窮處忽作乖違成陌
路非緣官誅與私劫忍令棄置隨童妾夷齊不可人人
學爭得腹空無悚懾生別苦此苦無盡期百年泉下亦

金定四庫全書
卷四
銜悲娶婦養兒畏不早何知此日難相保

貧婦歎

昨日良人死窮獨糧空子幼身自哭賣衣葬罷急謀嫁
富翁立待封居屋夫妻寒賤恩亦深線麻終制非無心
飢腸雷鳴無可奈禮法雖存何足賴

教學歎

早卑窮生無令圖偶開濁眼窺字書村田子弟念筆札
邀請稟訪同師儒遠防闕訟習詭訐近就財利評侵漁

行身便事世所幸先王教道徒迂疎君不見官家設庠
校俊士羅冠裾亦工細麗苟榮祿誰復高遠稽墳謨本
期教學敦風俗今如附子充飢腹

勿願壽

勿願壽壽不利貧祗利富君不見生平齷齪南鄰翁綺
紈合雜歌鼓雄子孫奢華百事便死後祭葬如王公西
家老人曉稼穡白髮空多缺衣食兒孱妻病盆甌乾靜
卧藜床冷無席

壯士膽歌

非災非祥何所出迴天轉地成恍惚蓬萊金曜急食昂
矯矯霜虹橫貫日帝尊萬乘勿致威大兵如火無所施
擒龍扼虎無所尅手引存亡纔頃刻事無今古用則靈
用時天下毛髮驚能將義勇發至誠壯士之膽君勿輕
恩讎必報歌

蘇相東歸施不妄樂公得位言何壯恩讎必報真丈夫
不苟而已焉知餘浮生百歲飄風速胡為顧慕甘侵辱

道之至實先吾身紛紛毀譽何足聞

西風

西風一夜颼颼動冷觸病身增疾痛卧聽促織不成眠
起望明星還內訟十年客路過秋色五畝故園停歲種
學如觀海祇自竒文似屠龍竟誰用情知至足在飽煖
何事低心隨薦貢桀溺從初豈有官接輿却是能歌鳳
今雖未借邯鄲枕昔曾屢歎南柯夢哿矣歸哉有近期
會將物我分輕重

渴虎

九月十月霜漫漫
墻垠南野如羣邊
東風已作凍未解
日月曉望皆瑠田
岡陵焦枯澗壑竭
草木性命俱沈絛
彪家於時若為處
掩擁敗葉方閒眠
陽輝中天穴戶暖
起坐嘿翬喉方涎
虛腸未充多諧士
怒掌久斂悲盜泉
黃河泰山深且茂
恨不休止蘄安全
熬然宅此取飢渴
焉用武勇聲名傳
側聞近便長松塢
十頃池塘停瀉古
不勝積潤在鱗蟲
浩有餘波沾畝尾
搖伊昔諱凶檻

腹滿願今同鼯鼠世間遇合無必然
平行靜視皎日前
嗟來懇惻尚不就避逐刺促渠為賢
主人若不開文蘂
歸卧幽林待天雨

乞士歌

天下大辱無過乞忍能餓死不終日
空瓢曲杖行復嗟
高楹厚壁他人家風蓬蓬雨甬甬
夜投野廟眠枯葉
世上艱難有此時強顏豈是相師法
從來詬罵多言乞
僮客受之猶噎鬱今日同行富者孫
末年禍福誰能必

關關春樹鶯

關關春樹鶯晨哢不知久似欣融和景樂得飛鳴友可
憐天性喜朋類肯念同羣雜譽咎年年日暖風暄時園
林無處無芳菲高翔俛啄足自適焉用戚促勤追隨君
不見花間柳下紛紜後擘彈揮丸少年手蒙籠枝上驚
急來不及呶嚶已分首世間利害難預期甚少德義多
姦欺雁奴傷損雉媒飽儕輩豈不交傾危古人惡熟曾
吹蘆莫近王丹墓畔啼

讀文塚銘

長沙進士何襟靈辭源浩瀚如翻傾十五年間聚文藁
得三千紙封為塋自憐意氣頗足惜題作文塚仍鏡銘
富哉言章有如此恨不盡見空傳名吾聞人文乃儒效
用之佐治王化成五帝三王實推濟孔孟憂世存書經
真儒不作世已異文士所說非所行趨時治已兩不振
奮筆多是圖生榮唐文舊錄二萬卷子今大半歸漂零
昌黎河東幸存顯自外寸片誰與稱故知辭藻貴遭遇

身後紙札皆勞形當年不用更埋聚傷嗟此似秦儒坑

石井大雨

雲垂四山潑墨濃風怒發屋茅遮空征人不安紙蓋下
猛雨迸射郵亭中旣兵色動牽馬出惟恐摧壓傷儀同
吾衣敝薄未免濕今夜何處還張烘

古人

古人已往知無奈猶被後人興蠹壞前亦人焉後亦人
患自口強心不逮揚雄比孟必有辨馬卿慕蘭良足怪

未充志氣徒好名醇醪豈不因糟馱

君益惠竹杖

衰來病衆難推盪日覺筋骸非壯長百畝鋤耘致苦辛
萬端應接皆牽強稀曾起處鐘漏盡多是歸時星月朗
滿腹經綸一意閒墜田頭緒重新講偶逢過客語文字
突兀破壞如夢想太息諸書不救飢幾曾貨利微能做
故人憐我晚愁瘁委曲相寬三復兩卒歲嘗分蔽骭衣
方春又贈扶身杖修颺一竹信瑰特知自何山精產養

數節包紉鶴脰連
碎花黥糾彪皮
爽提攜宛勝冰玉滑
頓卓便同金石響
野老生看每問名
耕兒熟見仍私獎
未諳黃鉞端許制
久慣青藜饒俗狀
靈壽杖堅負曳勞
朱藤飾偽功程枉
何如得此清峭幹
本與雪霜爭氣象
舊谷遺根未陸沉
末年遇主成真賞
已將蠟屐作游伴
更共文簷為靜黨
測渡無憂石澗淹
助跳肯畏泥坑廣
時修疆畝便指畫
自牧雞豚誰放蕩
差可攘蓬訊髑髏
豈徒闢野披榛莽
傾危屢濟功轉積
安穩利征吾濫享

輒莫飛飛向葛陂要當受侮敲原壤古人五十徇鄉禮
我為困窮聊早上畫戟彤弓且勿思蒼顏荷蓀西村丈

代木工言

歐陽子作啄木辭嫉世俗室廬無制善乎其
為激之言也余以為啓之者不令而引之者
不遜然後力之者劇焉是則財豪之罪宜先
匠師之罪可恕於是代木工言

願君勿斲木工手請斲財戶眼與心時平力贍侈不徹

有見必欲相摹臨試言賤工目所擊竊竊富室清溪潯
偶來公府證訕訟適見棟宇雄深沉歸損多貲換堂室
唯恐壯麗微差參逡巡子弟到京國新值器服夸如今
買真購法不議價持還逞詫爭歌吟一家矜尚一鄉慕
自此籍籍師奢淫當時溪西鄙樸老頗出厲語聊譏侵
為言人生倚衣食繁手未必加淳音百年榮落豈易保
身後志業須勝任華棖不可孕金穀盛服幾許忘金鷲
不見聲容赫赫家晚來哀謝無遺簪乃公營求嗣孫毀

弓劍往往同芒針人情護近不庇遠厲語一出爭詬擒
况我孱微食技業得不耽靡依餘陰區區小材盖如此
天下誰與制尺尋安得高梯切閭闔上叩帝膝敷誠忱
盡取人間富財戶免使僭偪難軒斟工手何辜可毋斲
自然風定無驚林

奉和內翰太中臘雪出郊長句

冬風雖饕少霜霰一雪偶嚴飄臘旦初驚雲物稍悽慘
更覺天威能變換翰林太守方出郊去指登高作榮觀

崩騰逼眼忽無盡皎潔映懷成極絢從前溫燠自迷舛
到此雱涼誰計算下看平路尚稀微遠望諸峯先片段
虎頭巖側山腰半冪窳薄煙占午爨傳聲賓從暫紆餘
命酌聖賢同款緩飛花滿席不須拂小大入腸寧復亂
山陰安道今在否更欲扁舟破瀾漫

立春雪凍有懷道先賢良辰誦臘除見寄長篇

輒反其韻為詩奉寄

先春一雪何易消南山驟見青岑堯餘寒忽作雨水怪

似有陰沴相呼招第堂晨興乍出戶畏冷須鬢不敢撩
還歸書邊擁鑪坐想像悠遠情慙切念君幽懷繞嵩少
如鏡對物皎莫逃乘高北望三十六只見衰朽連平臯
心隨歸雁身欲去又寫佳句傳鳴磬繡圖遙遙郡閣迴
高詠盡日行周遭無人屬和卷自滿蚊蚋詎可冠靈鼈
自來耕野寄病叟珠玉偶許麻囊韜空山寂歷時一諷
爽爽不覺驚骨毛當年只是說蘇李後此豈復論劉曹
嗟乎步武已誤高蹄泮不錄滄海濤東風浩蕩官耐饒

不善醕酌虧二豪

和道先南城逢相工

古人往矣說可傳顯以悟者其為賢周侯樹立囹圄餓
蔡澤飽足四十年知之窮通信已妙降此抵乞食與錢
貪諛未俗滿吻涎一中百舌紛可憐吾徒自斷休問天
書冊讀盡頭蒼然功名分比橐裏弦且飲美酒飼豚肩

和次道村田歌

蠶蛾已撒明年卵蠶婦乍閒嫌夜短圃柘無端長宿根

潭蘆不住抽新管時哉樂矣犁鋤伴箬笠團團麻袴輓
日出離家日入歸豈論步武如輪轉強丁屢歎牽車遠
稚子或訶鳴犢緩暴雨晴雨忽翁然相驚不覺耕皋晚
老翁踞坐抵掌談獎借專勤譏懶散草衆當爭第一耘
塍高勿厭重新剗中天節近香醅綻芻面色如人面赧
里巷齊歌競渡聲人人錢在雞巢滿

賣帚翁

霜日倒芒梢芻筠勞束勒斷送山野村叅陪塵土役價

卑徒易售用貴安可得人間糞穢日以多翁負帚禿當
奈何

老樵

何山老翁鬢垂雪擔負樵蘇清曉發城門在望來路長
樵重身羸如跛鼈皮枯亦復汗淋瀝步強遙聞氣嗚咽
同行壯俊常後追體倦心煩未容歇街東少年殊傲岸
和袖高扉厲聲喚低眉索價退聽言移刻纔蒙酬與半
納樵收直不敢緩病婦倚門待朝爨

山中即事寄上知縣宣德

一錢重丘山斗粟輕糞土昔聞豐年樂今識豐年苦東
家米粒白如銀西家稻束大於鼓再三入市又負歸慙
懃減價無售主刀机縱在屠伯瘦盃勺長閒壚婦去了
無蹊徑近甘肥只有呻吟厭寒暑相傳城邑尚牢落村
野蕭然安足數鄙夫自分為儒生坎墮薄佑來蠶耕言
章自昔枉用力債簿幾許能除名連旬暴露顏面黑彌
月菜茹腸肚青原田常恐不遇歲及此遇矣當何成昨

日鄰翁諮種播相與竹下團團坐共嗟衰暮值艱難未
覺豐登勝飢餓望天宵邈巨致詰得令賢明聊爾賀不
馳幹隸擾租輸更秉公心憫鹽課何鄉巨惡不手斂有
處宿姦皆膽破且勿恤失得且毋論福禍但願令尹住
三年錢重物輕猶可過

麻姑道中

山翁種樹不差擇桃李無窮雜松柏風吹陽和入芳根
萬白千紅映蒼碧猴藏鳥啄人恣窺桃李實熟無完枝

由來未可論堅脆松柏材成斧斤至

道先賢良寄示長篇輒此酌和略希一笑

閉門却掃未足高遇酒輒醉豈其豪窮山終歲擁書坐
澗谷曷日興雲濤浮沉非工俗子惡只與筆硯為朋曹
流年侵尋路婉婉鏡裏已復驚蒼毛作為文章世不用
似對婦女論鈐韜欲陳肝膽自薦進恐類衆蟻觀連螯
嘗聞聲氣有求應此日寂寞誰相遭當歌無和亦已矣
豈意或有憐悲慙陳侯嵩丘降靈士傳世事業師夔皋

有官未得斷國論昭代尚把浮名逃陔蘭芳香月桂老
靜卧感古成憂切題詩遠寄巧及我稍比陳敵輕兵撩
龐洵疎輒孫臆銳勝負不待明占招惟當釋耒往共飲
不必皎潔分桀堯

夜聞

夜聞黥徒歎行苦傳檄馳符渺無數霜晨雨夕常疾驅
鬼魅豺虎何山無寢興順時豈不欲簡書可畏鞭刑毒
儒譏冗食知謂誰我非浪費官家粟

內翰太中以某伏謁郡齋特賜長句謹和拜酬
寒人氣象寒於冰聞有嘉運無由乘陽和吹噓品彙生
燕谷凍瘁漠未驚年華四十盱畔城慣處涸竭忘流盈
六張五角長合并百慮一得嗟何曾鳴悲自昔起不平
苦調往往抽毫成窮衰到處難得朋坐使見笑蒼蠅聲
心知俗譽不足榮分死枯槁羞逢迎由來極晦亦小明
不在壹鬱居蠻荆翰林先生天下名風裁如鑑初無情
偶然誤許筵與楹重言既出衆懦興譬彼卧蟄因雷醒

恩文撫接曲盡誠更刺薦牘辨玫瑰匹夫有獲萬口稱
此世不復投清冷正恐疎濶如樊英

送何齋郎赴選

書堂四顧皆蒼山禽魚樹石煙雲間紙編屢絕筆屢鬪
十載一瞬忘青綸誰令忽憶南薰關盡箠打馬鳴鑣
春風桃李紛妖媚辭家大笑涕不潛由來磊落羞窮跼
下位亦足惠寡鰥乘田委吏不敢聞以日自愛維孔顏
當今俊傑登朝班拔擢杞梓披榛菅君能忼慨露豹斑

豈比嘿嘿貪食孱果哉往矣步勿趨仕以行義賢可攀
僕姑百中初滿寧書堂靜坐尻狂癡

過界山館

界山館下平街路行客無窮朝接暮十年二十四迴過
每覺人煙不如故初尋此地謁高士屢里謹愉忘迫遽
固嫌餓子辱閭閻乃有善人尸管庫歌聲酒氣等閒滿
魚尾羸肩容易具半無賓客味羣書盈耳只聞論富庶
一來奔走繞淮汴高士亦趨城市去南蹄北轍不可留

雖有暫經難久住前冬適自故園出忽見瘡痍變其處
豈能糠粃保黃台乃忍溝渠疊童孺官條既改驛亭破
儒者不存書屋蠹蕭然巷陌但荒埃聽說流亡不知數
昨朝又自劔池返遭值故人車馬駐相看問訊十年間
涕淚沾襟如水注當時飽腹今半殍近歲朱顏多已腐
一盃雖舉屢噫鳴永夜不眠猶恂懼哀哉天運不易識
安得各齊金石固凌晨復過高士門回首荆榛帶霜露

五言律詩

信眼

信眼成吟步虛廊遶幾回見雲侵月去聞雨趁風來羣
動悄已息煩襟相次開慙懃謝涼氣少為挫蚊雷

急雨

急雨拋砂響驚風伐鼓過漏從孤館永愁入病身多輶
轉思鄉井依稀夢薜蘿得他莊叟罪憂炤日焚和

平雲閣

高閣與雲平超如近玉京未須論峻絕聊用壓崢嶸看

雨諸村白乘風百里清途人豈知此拍額望丹楹

寄微之

未俗矜鄉舉先生尚滯淹門人能頌述羣小或憎嫌舊
學時方用新書日以添陰霾雖拍拍會解見圓蟾

和酬道先雪中見寄

空館雪霏霏孤懷不可為綈袍正藍縷布褐強參隨想
望壚間酒支持席上詩念君將遠適宛轉萬重思

歲宴

歲宴仍遷徙蕭然背客堂聽雞吹宿火騎馬踏晨霜世
味寧皆惡吾生有底忙奴僮亦相笑歸計只他鄉

歲宴知何事低徊戀醉鄉衰殘三十老岑寂五更長識
字初無益醫愁未有方一盃寅卯舉天下又兼忘

小港書事三首

破屋照山垆山民問筆耕日無賓接戲夜厭鼠橫行被
服煙埃色呻吟老病身不知齊魯士甘此欲何成
溝澗橫三面岡巒匝四隅滿門牛宿留刺耳鳥喧呼造

請難通謁經過易失途鋤犁有餘暇歌鼓宴官奴
夢想驚冠蓋糟糠繼祖孫多財新得友善訟舊成婚策
士吞并說門風楚撻痕飲酣尤壯浪潛聽亦消魂

向火

八月淮南地輕寒己中人病夫嫌冷褐敲火乞烏薪體
暢寧須酒神和不讓春養生聊自適何必問時辰

送及之丞公

先朝賢御史風彩九州欽嗣子傳家法孤芳映士林忠

良常在我便佞不關心得慶宜蒙福時清豈陸沉

金秀才歸

書來動鄉思歸興偶愔然故國輕一別綵衣閒八年星
霜親鬢上文字客燈前此意終難詰西風滿耳蟬

日日聽鏡鼓坊衢送死頻豈能悲此事爭願作歸人邑
屋兒孫衆山墳草樹新去來應迭代渠獨淚沾巾

淵老

淵老真高簡能逃世外禪青山如故友白髮任流年
叩竹五六節梵文三四編無人知此味冷坐小窻前

鄰老

鄰老今亡矣誰猶辨短長隙駒沈迅影石火掩孤光
錯寞悲新事淒迷想舊狂朔風原上草歸夢見松霜
氣槩平生事粗糲滯故林得無尊道性長有貴儒心
躁暴村田酒粗疎欸乃吟暮年乖此約誰使永差參

送人遊邊二首

六月洮河上驚飈電似拳遊人方仗策元帥已開邊京
觀首豪肉軍儲府藏錢參謀如有取常武在周篇

我愛王忠嗣兵威萬里橫只知精士馬不忍幸功名四
印無矜色三邊有肅聲未知誰願此徒用送君行

病起

病起興蕭蕭餘魂次第招悽酸攻意氣衰朽入風標納
帶驚腰緩移梳恨髮凋何心希此世只合順無聊

病起南榮下初寒仰日溫坐頑知力困視慢覺神昏避

俗無長策沉思到故園人生乃如此微處共誰言

衰病

衰病相侵早勞生得意遲兩腓初瘦後左耳半聾時已
取世上苦強將天下知只宜收散質偷惰學支離

贈白

成童即學佛五十始披緇去髮有先後悟空無速遲游
雲經過雨淙瀑到清漪此意分明否人間不可思

六月北留題羅漢院愚軒

紛紛偽飾日愚者乃賢歟好醜知誰論文章亦漫書蟻
來方棄智匠去莫尋樗祇有閒風月經過未忍踈

奉和內翰太中殘春口占二首

久次蕭條郡高情奈樂何鶯花三月促風雨一春多野
寺攜筇到幽溪飲禊過四郊田水暖駐節問新禾
綠陰槐柳院白日靜寥寥有句方高詠無賓可屢邀獨
眠聞漏轉縱步看絲飄結束東州計詩編問酒瓢

曉作

金定四庫全書
卷四
雨惡天光淡風高晚氣清
四簷喧急溜一枕厭寒聲
世慮漫沉想此心還不
平搔撈下書榻坐對紙
窻明

同俊和賦禪悅長老此君軒

祇園無俗物軒為此君開
但未為龍去何妨引鳳
來法中常住境天下後凋
材豈復如遷客懇懃到處
裁

筍蕨

筍蕨吾山味風埃旅館心
盃盤感時節魂夢解叅尋
爛漫銷青紫橫斜破玉金
平生疎淡意飽足望家林

贈亭父次温伯韻

老未上青雲誰論德行純有名傳郡國無食給冬春慣
見官徵債多應鬼笑貧豈能逃俗口坐作解嘲人

卧疾

卧疾動淹旬搔爬滿爪塵已能忘飯食聊復畏冠巾風
雨驚新歲鶯花待早春便無游覽分樽酒幸相親

足疾

足疾在中年蕭衰只自憐徐行如敬長頑坐似逃禪欲

適求新履相忘任故羈思山徒有興登頓豈能前

亨父錄示山齋即事五篇索和遂次其韻

齋閣得山棲蕭然萬慮遺此心終異俗吾道更同誰好
意憑琴寫衰顏取鏡窺窮通殊未定幽獨欲何之

有紅盃面酒無白髻間毛合世心雖淡論文氣轉豪迂
踈憐野叟蕭散敵兒曹免被南華笑憂時兩目蒿

榮利機關拙雲泉興味多豈同愚士窘自合聖人和斂
斂青氈舊酣酣白石歌故應消息有貧獨奈余何

嘯傲村田景中裾得所從壯圖因酒動睡思向書濃坐
見雲歸岫吟聞雨濺蓬但無詩準備何以謝情悰
榻為庸兒挂軒因好月開清風知曉暮往事付塵埃喜
燕長褰幕嫌蛙屢洒灰山中樂如此腸莫等閒迴



<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------